

**ZAPISNIK O RADU PETE SJEDNICE
GRADSKOG VIJEĆA GRADA SARAJEVA
ODRŽANE 28.06.2017. GODINE**

Broj: 01-02-1142/17

Datum: 28.06.2017. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić**, predsjedavajući Gradskog vijeća. Prisutni su bili sljedeći gradski vijećnici:

- | | |
|----------------------------|----------------------------|
| 1. Mr. Hazim Bahtanović | 15. Almedin Miladin |
| 2. Bajro Biber | 16. Snežana Omukić |
| 3. Mr. Vedad Deljković | 17. Mr. Enes Peštek |
| 4. Vedran Dodik | 18. Mr. Srđan Simonović |
| 5. Mr. Tea Dreković | 19. Srđan Srdić |
| 6. Samir Fazlić | 20. Barbara Stroil Peleš |
| 7. Sanela Fijuljanin | 21. Nihad Uk |
| 8. Edina Gabela | 22. Lana Velić |
| 9. Dr. Igor Gavrić | 23. Toni Vukadin |
| 10. Reuf Hafizović | 24. Adnan Talić |
| 11. Mr. Vibor Handžić | 25. Nuko Grebović |
| 12. Mira Jurić | 26. Mr. Miroslav Živanović |
| 13. Prof.dr. Velija Katica | |
| 14. Miro Lazović | |

Odsutni: Dado Stojnić, Mr. Sead Srna (najavljen izostanak)

Pored gradskih vijećnika sjednici su prisustvovali:

1. Mr. Abdulah Skaka, Gradonačelnik,
2. Milan Trivić, zamjenik Gradonačelnika,
3. Safet Krajišnik, Sekretar Gradskog vijeća,
4. Jasmina Karović, pravobranilac Grada Sarajeva,
5. Elvir Hadžiahmetović, sekretar Gradske uprave,
6. Firdevsa Bračković, pomoćnik Gradonačelnika za lokalno poslovanje i razvoj grada,
7. Nedreta Komarica, pomoćnik Gradonačelnika za urbano planiranje i stambene poslove,
8. Amela Kolovrat, pomoćnik Gradonačelnika za finansije,
9. Hamdo Karić, pomoćnik Gradonačelnika za komunalne poslove,
10. Amina Deljković, pomoćnik Gradonačelnika za obrazovanje, kulturu i sport
11. Članovi Komisije za Satatut i akte koji nisu gradski vijećnici (prema evidenciji u Službi Gradskog vijeća)
12. Timur Gadžo, direktor Zavoda za informatiku Kantona Sarajevo
13. Enver Hadžiomerspahić, autor, koordinator i direktor Projekta Muzej suvremene umjetnosti „Ars Aevi“

Predsjedavajući Gradskog vijeća Igor Gavrić je pozdravio prisutne gradske vijećnike i goste te otvorio Petu sjednicu Gradskog vijeća Grada Sarajeva konstatacijom da sjednici prisustvuje 25 gradskih vijećnika, da je izostanak najavio gradski vijećnik Sead Srna, a da su kašnjenje najavili gradski vijećnik Dado Stojnić, gradska vijećnica Sanela Fijuljanin i gradska vijećnica Tea Dreković.

Predsjedavajući Gradskog vijeća Igor Gavrić je zatim podsjetio gradske vijećnike da Gradsko vijeće prvi put radi bez štampanog materijala, da gradski vijećnici mogu pristupiti materijalima o kojima će danas raspravljati, putem službene internetske stranice Gradskog vijeća, a koristeći prijenosne računare kojima je opremljena sala, a da svi prisutni mogu stranici pristupiti putem svojih računara i drugih uređaja kao što su tableti ili pametni telefoni, koristeći bežičnu vezu Grada Sarajeva.

Koordinator za implementaciju Projekta Službene elektronske komunikacije Gradskog vijeća Timur Gadžo u svom izlaganju je dao Gradskom vijeću informaciju o implementaciji projekta, a zatim je dao i odgovore na postavljena pitanja, odnosno dodatna obrazloženja, nakon rasprave **Gradonačelnika Abdulaha Skake.**

Predsjedavajući Gradskog vijeća Igor Gavrić je najavio nastavak rada sjednice i dao uvodne napomene sljedećeg sadržaja.

Prijedlog dnevnog reda s materijalima za današnju sjednicu, postavljen je na stranici za službenu elektronsku komunikaciju Gradskog vijeća u utorak 20.06.2017. godine. Tada su gradski vijećnici i putem SMS poruka obaviješteni o pozivu i najavi sjednice, a kasnije su najavu dobili i putem službene e-mail adrese. Naziv svake od tačaka iz predloženog dnevnog reda, ujedno je i *link* za materijal i druge priloge. Posebno su navedeni i izvještaji radnih tijela po pojedinoj temi, koji su također povezani *link*-om s naslovom. U pozivu je posebno naveden i informativni materijal. Ovaj put je to Molba za preispitivanje Odluke o podizanju spomenika bosanskim specijalcima. Prijedlog akta koji je Gradskom vijeću naknadno dostavljen, također, je posebno naveden. Danas je to, pod brojem 13. Prijedlog Odluke o pristupanju izradi Izmjena i dopuna Regulacionog plana "Kovačići- Centar" po skraćenom postupku. I na kraju su saglasnosti zamjenika Gradonačelnika po pojedinim prijedlozima. Kao što je poznato, prije razmatranja predloženog dnevnog reda, Gradsko vijeće se određuje o zapisniku o radu prethodne sjednice, te je u najavi sjednice, postavljen i Zapisnik o radu Četvrte sjednice Gradskog vijeća Grada Sarajeva.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo Zapisnik o radu Četvrte sjednice Gradskog vijeća Grada Sarajeva održane 31.05.2017. godine.

Predsjedavajući Gradskog vijeća Igor Gavrić je najavio utvrđivanje dnevnog reda sjednice i dao uvodne napomene sljedećeg sadržaja.

U skladu s članom 121. Poslovnika Gradskog vijeća Grada Sarajeva predloženi su za razmatranje po skraćenom postupku sljedeći akti:

- Prijedlog Odluke o razrješenju člana radnog tijela Gradskog vijeća Grada Sarajeva,
- Prijedlog Odluke o izboru člana radnog tijela Gradskog vijeća Grada Sarajeva,
- Prijedlog Odluke o davanju saglasnosti na Sporazum o namjeri osnivanja Javne ustanove „Muzej savremene umjetnosti *Ars Aevi* Sarajevo“,
- Prijedlog Odluke o organizaciji i djelokrugu organa uprave Grada Sarajeva,
- Prijedlog Odluke o izmjeni Odluke o raspodjeli sredstava Budžeta Grada Sarajeva planiranih za rad klubova gradskih vijećnika.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo prijedlog da se Odluka o razrješenju člana radnog tijela Gradskog vijeća Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo prijedlog da se Odluka o izboru člana radnog tijela Gradskog vijeća Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o davanju saglasnosti na Sporazum o namjeri osnivanja Javne ustanove „Muzej savremene umjetnosti Ars Aevi Sarajevo“, razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 20 glasova “za”, dva glasa “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), usvojilo je prijedlog da Odluka o organizaciji i djelokrugu organa uprave Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 22 glasa “za”, bez glasova “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o izmjeni Odluke o raspodjeli sredstava za rad klubova gradskih vijećnika razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 18 glasova “za”, jednim glasom “protiv” i uz pet “suzdržanih” glasova prisutnih gradskih vijećnika, usvojilo je prijedlog da se Odluka o pristupanju izradi Izmjena i dopuna Regulacionog plana „Kovačići – Centar“ razmatra u formi prijedloga po skraćenom postupku.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio) usvojilo dneveni red Pete sjednice Gradskog vijeća:

1. **Prijedlog Odluke o razrješenju člana radnog tijela Gradskog vijeća Grada Sarajeva**
2. **Prijedlog Odluke o izboru člana radnog tijela Gradskog vijeća Grada Sarajeva**
3. **Prijedlog Odluke o pristupanju izradi Izmjena i dopuna Regulacionog plana “Kovačići-Centar” (skraćeni postupak)**
4. **Prijedlog Programa međunarodne saradnje Grada Sarajeva za 2017. godinu**
5. **Prijedlog Odluke o davanju saglasnosti na Sporazum o namjeri osnivanja Javne ustanove „Muzej savremene umjetnosti Ars Aevi Sarajevo“**
6. **Prijedlog Odluke o organizaciji i djelokrugu organa uprave Grada Sarajeva**

7. Prijedlog Odluke o izmjeni Odluke o raspodjeli sredstava Budžeta Grada Sarajeva planiranih za rad klubova gradskih vijećnika.
8. Izvještaj o realizaciji Programa manifestacije obilježavanja 6. aprila – Dana Grada Sarajeva u 2017. godini
9. Nacrt Odluke o usvajanju Regulacionog plana „Švrakino selo – Aneks“ s Nacrtom Odluke o provođenju Regulacionog plana „Švrakino selo – Aneks“
10. Nacrt Etičkog kodeksa izabраниh zvaničnika organa Grada Sarajeva
11. Informacija o stanju turizma s prijedlogom mjera
12. Informacija o stanju opremljenosti organa Grada Sarajeva sa kompjuterskom opremom, kompjuterskim programima i aplikativnim programima s prijedlogom mjera za poboljšanje stanja
13. Vijećnička pitanja i inicijative

Ad 1)

Prijedlog Odluke o razrješenju člana radnog tijela Gradskog vijeća Grada Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Komisija za izbor i imenovanja, te da je Komisija za Statut i akte podržala formu predložene odluke.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, bez rasprave, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Odluku o razrješenju člana radnog tijela Gradskog vijeća Grada Sarajeva kako je predložena.

Ad 2)

Prijedlog Odluke o izboru člana radnog tijela Gradskog vijeća Grada Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Komisija za izbor i imenovanja, te da je Komisija za Statut i akte podržala formu predložene odluke.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, bez rasprave, izjasnivši se sa 22 glasa “za”, bez glasova “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), usvojilo je Odluku o izboru člana radnog tijela Gradskog vijeća Grada Sarajeva kako je predložena.

Ad 3)

Prijedlog Odluke o pristupanju izradi Izmjena i dopuna Regulacionog plana “Kovačići-Centar” (skraćeni postupak)

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, da je Odbor za urbanizam i upotrebu lokalnog zemljišta razmatrao materijal, kao i Komisija za Statut i akte koja je podržala formu predložene odluke, te da su izvještaji radnih tijela dostupni.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, bez rasprave, izjasnivši se sa 16 glasova “za”, jednim glasom “protiv” i uz četiri “suzdržana” glasa prisutnih gradskih vijećnika (tri gradska vijećnika se nisu izjasnila), usvojilo je

Odluku o pristupanju izradi Izmjena i dopuna Regucionog plana “Kovačići- Centar” kako je predložena.

Ad 4)

Prijedlog Programa međunarodne saradnje Grada Sarajeva za 2017. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Komisija za međunarodnu saradnju koja je uputila i prijedlog posebnog zaključka, da je Komisija za Statut i akte podržala formu predloženog akta odluke, te da su izvještaji radnih tijela dostupni.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, bez rasprave, izjasnivši se sa 23 glasa “za”, bez glasova “protiv” i uz jedan “suzdržan” glas prisutnih gradskih vijećnika, usvojilo je Program međunarodne saradnje Grada Sarajeva za 2017. godinu kako je predložen.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, bez rasprave, izjasnivši se sa 23 glasa “za”, bez glasova “protiv” i uz jedan “suzdržan” glas prisutnih gradskih vijećnika, na prijedlog **Komisije za međunarodnu saradnju**, usvojilo je sljedeći zaključak:

Zadužuje se Gradonačelnik da razmotri mogućnost realizacije aktivnosti koje proizlaze iz obaveza potpisanih sporazuma o suradnji sa glavnim gradovima u regiji Zagrebom, Ljubljanom, Podgoricom i Skopljem, te za uspostavljanje saradnje sa Gradom Beogradom i predloži Gradskom vijeću tako utvrđene aktivnosti za realizaciju, do kraja tekuće godine.

Ad 5)

Prijedlog Odluke o davanju saglasnosti na Sporazum o namjeri osnivanja Javne ustanove „Muzej savremene umjetnosti *Ars Aevi* Sarajevo“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, da je predloženi akt razmatrala Administrativna komisija, te da je Komisija za Statut i akte podržala formu predložene odluke, a da su izvještaji radnih tijela dostupni.

Gradonačelnik Abdulah Skaka je najavio, a zatim je **zamjenik Gradonačelnika Milan Trivić** podnio uvodno izlaganje koje je dopunio Gradonačelnik Grada Sarajeva Abdulah Skaka.

U raspravi je gradski vijećnik Miroslav Živanović iznio prijedlog za dopunu predloženog teksta odluke, tako da se ranije donesena odluka kojom je Gradsko vijeće dalo saglasnost za potpisivanje sličnog sporazuma kojom je predlagano pristupanje više subjekata, donošenjem ove odluke stavi van snage.

U raspravi je gradska vijećnica Barbara Peleš Stroil predložila da se u dijelu IV. Sporazuma kojim se predlaže obaveza izrade elaborata o društveno ekonomskoj opravdanosti osnivanja javne ustanove, utvrdi rok za izradu elaborata.

Nakon rasprave i **gradskog vijećnika Samira Fazlića**, odgovore na pitanja i dodatna obrazloženja dao je **Gradonačelnik Abdulah Skaka**, a zatim je u raspravi **gradski vijećnik Almedin Miladin** predložio utvrđivanje obaveze Gradonačelniku za periodično izvještavanje Gradskog vijeća o toku procesa implementacije ove odluke.

U ime predlagača, **zamjenik Gradonačelnika Milan Trivić** se izjasnio da prihvća prijedlog da se utvrdi rok od četiri mjeseca za izradu Elaborata o ekonomskoj opravdanosti osnivanja javne ustanove. U raspravi je dalje sudjelovao **gradski vijećnik Vibor Handžić**, te je **Predsjedavajući Gradskog vijeća Igor Gavrić** zaključio raspravu i rezimirao prijedloge za zaključivanje koje je podržao i **Gradonačelnik Abdulah Skaka**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, na osnovu konačne formulacije iznesenih prijedloga, usvojilo je sljedeće **zaključke**:

1. Član 4. predložene Odluke mijenja se tako da glasi:

„Danom stupanja na snagu ove Odluke, prestaje da važi **Odluka o davanju saglasnosti na Sporazum o namjeri osnivanja Javne ustanove „Muzej savremene umjetnosti Ars Aevi Sarajevo“** ("Službene novine Kantona Sarajevo", broj 20/10).

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

U dijelu IV. Sporazuma o namjeri osnivanja Javne ustanove „Muzej savremene umjetnosti Ars Aevi Sarajevo“ za koji se predlaže **Odluka o davanju saglasnosti**, prvi odlomak se mijenja tako da glasi:

„Ovim Sporazumom Osnivač preuzima obavezu da, u roku od četiri mjeseca od dana potpisivanja sporazuma, izradi Elaborat o društveno ekonomskoj opravdanosti osnivanja Javne ustanove "Muzej savremene umjetnosti ARS AEVI Sarajevo" koji će, između ostalog, rezultirati svim potrebnim elementima za konačno odlučivanje Osnivača o pristupanju osnivanju i organizaciji Javne ustanove u skladu sa Zakonom, a prema iskazanim namjerama iz ovog Sporazuma, odnosno rezultirat će elementima na osnovu kojih će Osnivač argumentirano moći odlučiti o postojanju javnog interesa za osnivanje Javne ustanove.“

2. Zadužuje se Gradonačelnik da polugodišnje dostavlja Gradskom vijeću Informaciju o napretku u toku realizacije predmetnog sporazuma, odnosno o toku realizacije aktivnosti na osnivanju Javne ustanove "Muzej savremene umjetnosti ARS AEVI Sarajevo".

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio) usvojilo je **Odluku o davanju saglasnosti na Sporazum o namjeri osnivanja Javne ustanove „Muzej savremene umjetnosti Ars Aevi Sarajevo“**.

Ad 6)

Prijedlog Odluke o organizaciji i djelokrugu organa uprave Grada Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, da je predloženi akt razmatrala Administrativna komisija, da je Komisija za Statut i akte podržala formu predloženog akta, a da su izvještaji radnih tijela dostupni.

U raspravi o proceduralnim pitanjima u kojoj je **gradski vijećnik Vedran Dodik** najavio podnošenje amandmana na predloženu odluku sudjelovali su i **gradonačelnik Abdulah Skaka** i **Predsjedavajući Gradskog vijeća Igor Gavrić**, te **gradski vijećnik Miroslav Živanović** koji je, također, najavio amandmane, a **Gradonačelnik Abdulah Skaka** je dao dodatna obrazloženja.

Raspravu su nastavili **gradski vijećnik Vedran Dodik, gradski vijećnik Miroslav Živanović, a nakon dodatnih obrazloženja Gradonačelnika Abdulaha Skake i gradski vijećnik Toni Vukadin, a zatim je Predsjedavajući Gradskog vijeća Igor Gavrić najavio pauzu.**

Nakon pauze, **Predsjedavajući Gradskog vijeća Igor Gavrić je dao uvodne napomene sljedećeg sadržaja.**

Najavljeni amandmani su uloženi i može im se pristupiti putem Službene Internetske stranice Gradskog vijeća pod odgovarajućom tačkom dnevnog reda, a amandmane su uložili gradski vijećnik Miroslav Živanović, gradski vijećnik Vedran Dodik i gradska vijećnica Snežana Omukić.

Zatim je pozvao gradske vijećnike da podnesu uvodna izlaganja vezano za uložene amandmane.

Gradski vijećnik Vedran Dodik je odustao od uvodnog izlaganja, a poslije uvodnog izlaganja **gradskog vijećnika Miroslava Živanovića, očitovao se Gradonačelnik Abdulah Skaka.**

Zatim je uloženi amandman obrazložila i gradska vijećnica Snežana Omukić, a raspravu su nastavili gradski vijećnik Vibor Handžić, te predsjedavajući Komisije za Statut i akte Izmir Hadžiavić i gradski vijećnik Vedran Dodik koji se na kraju rasprave izjasnio da ostaje pri svojim amandmanima i da traži da se Gradsko vijeće o njima izjasni.

Predsjedavajući Gradskog vijeća Igor Gavrić je upoznao gradske vijećnike da je gradska vijećnica Lana Velić uložila još jedan amandman i najavio pauzu, prije koje je uslijedila kratka rasprava o poslovničkom pitanju predsjedavajućeg Komisije za Statut i akte Izmira Hadžiavića i Predsjedavajućeg Gradskog vijeća Igora Gavrića.

Poslije pauze je **Predsjedavajući Gradskog vijeća Igor Gavrić najavio izjašnjanje o uložnim amandmanima.**

Gradonačelnik Abdulah Skaka se u svom izlaganju izjasnio da ne prihvća amandmane koje je uložio **gradski vijećnik Miroslav Živanović, zatim se, na poziv Gradonačelnika, u ime Gradonačelnika Sabina Hadžiahmetović, stručni savjetnik u Gradskoj službi za opću upravu, izjasnila da ne prihvća amandman koji je uložila **gradska vijećnica Lana Velić, poslije kratkog pojašnjenja uloženog amandmana gradske vijećnice Snežane Omukić, izjasnila se da Predlagač ne prihvća ni ovaj amandman, a što je obrazložio Gradonačelnik Abdulah Skaka, te dodatno i stručni savjetnik u Gradskoj službi za opću upravu Sabina Hadžiahmetović.****

Raspravu su nastavili **gradski vijećnik Vedran Dodik i gradski vijećnik Samir Fazlić, a dalje je prijedlog obrazlagao Gradonačelnik Abdulah Skaka.**

Predsjedavajući Gradskog vijeća Igor Gavrić je zaključio raspravu i najavio izjašnjanje o podnesenim amandmanima, a prije toga, uz pomoć sekretara Gradskog vijeća Safeta Krajišnika, konstatirao kvorum za rad Gradskog vijeća kojeg, poslije pauze čine 24 gradska vijećnika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, sedam glasova “protiv” i uz 12 “suzdržanih” glasova prisutnih gradskih vijećnika nije usvojilo Amandman I gradskog vijećnika Vedrana Dodika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, sedam glasova “protiv” i uz 12 “suzdržanih” glasova prisutnih gradskih vijećnika nije usvojilo Amandman II gradskog vijećnika Vedrana Dodika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa sedam glasova “za”, šest glasova “protiv” i uz 11 “suzdržanih” glasova prisutnih gradskih vijećnika nije usvojilo Amandman III gradskog vijećnika Vedrana Dodika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, šest glasova “protiv” i uz 11 “suzdržanih” glasova prisutnih gradskih

vijećnika (dva se gradska vijećnika nisu izjasnila), nije usvojilo Amandman IV gradskog vijećnika Vedrana Dodika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa šest glasova “za”, četiri glasa “protiv” i uz 13 “suzdržanih” glasova prisutnih gradskih vijećnika (jedan se gradski vijećnik nije izjasnio), nije usvojilo Amandman V gradskog vijećnika Vedrana Dodika.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa sedam glasova “za”, osam glasova “protiv” i uz 8 “suzdržanih” glasova prisutnih gradskih vijećnika (jedan se gradski vijećnik nije izjasnio), nije usvojilo Amandman gradske vijećnice Lane Velić.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, tri glasa “protiv” i uz 15 “suzdržanih” glasova prisutnih gradskih vijećnika (jedan gradski vijećnik se nije izjasnio), nije usvojilo Amandman I gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa šest glasova “za”, četiri glasa “protiv” i uz 14 “suzdržanih” glasova prisutnih gradskih vijećnika (jedan gradski vijećnik se nije izjasnio), nije usvojilo Amandman II gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, dva glasa “protiv” i uz 16 “suzdržanih” glasova prisutnih gradskih vijećnika (jedan gradski vijećnik se nije izjasnio), nije usvojilo Amandman III gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, pet glasova “protiv” i uz 14 “suzdržanih” glasova prisutnih gradskih vijećnika, nije usvojilo Amandman IV gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, pet glasova “protiv” i uz 14 “suzdržanih” glasova prisutnih gradskih vijećnika, nije usvojilo Amandman V gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa pet glasova “za”, četiri glasa “protiv” i uz 15 “suzdržanih” glasova prisutnih gradskih vijećnika, nije usvojilo Amandman VI gradskog vijećnika Miroslava Živanovića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, izjasnivši se sa 10 glasova “za”, četiri glasa “protiv” i uz 10 “suzdržanih” glasova prisutnih gradskih vijećnika, nije usvojilo Amandman gradske vijećnice Snežane Omukić.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je, izjasnivši se sa 15 glasova “za”, četiri glasa “protiv” i uz 5 “suzdržanih” glasova prisutnih gradskih vijećnika, usvojilo Prijedlog Odluke o organizaciji i djelokrugu organa uprave Grada Sarajeva kako je predložena.

Zatim se **gradski vijećnik Miro Lazović** izjasnio da je pri posljednjem izjašnjanju bio “suzdržan”, a ne “protiv” kako je evidentirano, a **gradski vijećnik Bajro Biber** da je bio “za”, a ne “suzdržan” kako je evidentirano, što je **Predsjedavajući Gradskog vijeća Igor Gavrić** i konstatirao.

Ad 7)

Prijedlog Odluke o izmjeni Odluke o raspodjeli sredstava Budžeta Grada Sarajeva planiranih za rad klubova gradskih vijećnika.

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike na predlagača akta, te na izvještaje radnih tijela Gradskog vijeća po ovom pitanju.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se, sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), usvojilo je **Odluku o izmjeni Odluke o raspodjeli sredstava Budžeta Grada Sarajeva planiranih za rad klubova gradskih vijećnika** kako je predložena.

Ad 8)

Izvještaj o realizaciji Programa manifestacije obilježavanja 6. aprila – Dana Grada Sarajeva u 2017. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Odbor za društvene djelatnosti, uz određene prijedloge i sugestije Gradonačelniku uputio određene prijedloge za zaključivanje Gradskom vijeću, te da je Komisija za Statut i akte podržala formu predloženog akta.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), na prijedlog Odbora za društvene djelatnosti usvojilo je sljedeći **zaključak**:

Zadužuje se Gradonačelnik da, prije utvrđivanja Nacrta Programa manifestacije obilježavanja 6. aprila - Dana Grada Sarajeva za 2018, konsultira i Odbor za društvene djelatnosti.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), usvojilo je **Izvještaj o realizaciji Programa manifestacije obilježavanja 6. aprila – Dana Grada Sarajeva u 2017. godini** kako je podnesen.

Ad 9)

Nacrt Odluke o usvajanju Regulacionog plana „Švrakino selo – Aneks“ s Nacrtom Odluke o provođenju Regulacionog plana „Švrakino selo – Aneks“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Predlagač Odluke Gradonačelnik, da je materijal razmatrao Odbor za urbanizam i upotrebu lokalnog zemljišta koji je svoje mišljenje formulirao u vidu zaključaka sa prilogom javnoj raspravi, te da je Komisija za Statut i akte podržala formu predloženog akta.

U raspravi je određena pitanja postavio **gradski vijećnik Vibor Handžić**, a odgovore i dodatna obrazloženja u ime Predlagača dala je stručni savjetnik u Gradskoj službi za urbano planiranje i stambene poslove **Arijana Musić**.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, jednim glasom “protiv” i uz dva “suzdržana” glasa prisutnih gradskih vijećnika (jedan gradski vijećnik se nije izjasnio), usvojilo je zaključak kojim se Nacrt Odluke o usvajanju Regulacionog plana „Švrakino selo – Aneks“ s Nacrtom Odluke o provođenju Regulacionog plana „Švrakino selo – Aneks“ upućuje u javnu raspravu.

Ad 10)

Nacrt Etičkog kodeksa izabranih zvaničnika organa Grada Sarajeva

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Predlagač akta Etičko vijeće, da je Komisija za Statut i akte podržala formu predloženog akta uz određene sugestije kao prilog javnoj raspravi.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je zaključak kojim se Nacrt Etičkog kodeksa izabranih zvaničnika organa Grada Sarajeva upućuje u javnu raspravu.

Ad 11)

Informacija o stanju turizma s prijedlogom mjera

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio Gradonačelnik i da je materijal razmatrao Odbor za lokalno poslovanje i turizam koji je predložio konkretan zaključak i uputio inicijativu Gradskom vijeću

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika, na prijedlog Odbora za lokalno poslovanje i turizam, usvojilo je sljedeći zaključak:

Zadužuje se Gradonačelnik da pri predlaganju tema za Program rada Gradskog vijeća za naredni period, uvrsti donošenje određenog strateškog, odnosno planskog dokumenta Grada Sarajeva s ciljem razvoja turizma u Gradu Sarajevu za odgovarajući period, a osnovano u budućoj Strategiji razvoja Kantona Sarajevo za oblast turizma.

Budući da nije bilo rasprave, **Predsjedavajući Gradskog vijeća Igor Gavrić je**, zatim, konstatirao da je **Gradsko vijeće Grada Sarajeva primilo k znanju Informaciju o stanju turizma s prijedlogom mjera.**

Ad 12)

Informacija o stanju opremljenosti organa Grada Sarajeva sa kompjuterskom opremom, kompjuterskim programima i aplikativnim programima s prijedlogom mjera za poboljšanje stanja

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio Predsjedavajući Gradskog vijeća, te da je materijal razmatrao Odbor za informatiku i telmatiku.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je sljedeći **zaključak**:

Zadužuje se Gradonačelnik da, na odgovarajući način formira organizacionu jedinicu za IT podršku u radu organa i tijela Grada Sarajeva, a koja će biti tako opremljena da prati stanje i predlaže mjere za poboljšanje stanja, a u smislu funkcije službene elektronske komunikacije.

Budući da nije bilo rasprave, **Predsjedavajući Gradskog vijeća Igor Gavrić je**, zatim, konstatirao da je **Gradsko vijeće Grada Sarajeva primilo k znanju Informaciju o stanju opremljenosti organa Grada Sarajeva sa kompjuterskom opremom, kompjuterskim programima i aplikativnim programima s prijedlogom mjera za poboljšanje stanja.**

Ad 13) Vijećnička pitanja i inicijative

Predsjedavajući Gradskog vijeća Igor Gavrić je najavio razmatranje Vijećničkih pitanja i inicijativa i pozvao gradske vijećnike da se najprije odrede o inicijativama koje su dostavljene u pisanoj formi uz poziv za sjednicu Gradskog vijeća.

1. Odbor za lokalno poslovanje i turizam je uputio **inicijativu** Gradskom vijeću da donese zaključak kojim će se zatražiti informacija o toku izrade Strategije razvoja turizma u Kantonu Sarajevo, a s ciljem planiranja politike Grada Sarajeva u ovoj oblasti.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika, na inicijativu Odbora za lokalno poslovanje i turizam, usvojilo je sljedeći **zaključak**:

Zadužuje se Gradonačelnik da zatraži informaciju od nadležnih organa Kantona Sarajevo o toku izrade Strategije razvoja turizma u Kantonu Sarajevo u vezi sa članom 4. Zakona o turizmu u Kantonu Sarajevo, a s ciljem planiranja politike Grada Sarajeva u ovoj oblasti.

2. Predsjedavajući Gradskog vijeća Igor Gavrić, na prijedlog Gradonačelnika podnio je (u pisanoj formi) **inicijativu** da Gradsko vijeće donese konkretan zaključak, zaključak kojim će zadužiti Gradonačelnik da pokrene postupak za zaštitu lokalne samouprave te za preispitivanje ustavnosti novog Zakona o prostornom uređenju Kantona Sarajevo uz obrazloženje da je Gradonačelnik Gradskom vijeću uputio Informaciju - Inicijativu Gradskog vijeća Grada Sarajeva za podnošenje zahtjeva za zaštitu prava na lokalnu samoupravu, smatrajući da su prava na lokalnu samoupravu Grada Sarajeva povrijeđena novim Zakonom o prostornom uređenju. (akt Gradonačelnika od 08.06.2017. godine je u prilogu navedene inicijative).

U raspravi je određena pitanja postavio **gradski vijećnik Vibor Handžić**, a odgovore i određena pojašnjenja dao je Gradonačelnik Abdulah Skaka, te u njegovo ime **stručni savjetnik u Gradskoj službi za urbano planiranje i stambene poslove Arijana Musić**. Dalje je **gradski vijećnik Vibor Handžić** pojašnjavao svoje pitanje, a odgovore je u ime Gradonačelnika, davala **savjetnik Gradonačelnika za pravna pitanja Maja Hadžihalilović**, a zatim i **Pravobranilac Grada Sarajeva Jasmina Karović**.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva**, **većinom glasova**, izjasnivši se sa 17 glasova “za”, bez glasova “protiv” i uz četiri “suzdržana” glasa prisutnih gradskih vijećnika (dva gradska vijećnika se nisu izjasnila), na inicijativu **Predsjedavajućeg Gradskog vijeća**, usvojilo je sljedeći **zaključak**:

Zadužuje se Gradonačelnik da, u skladu sa odredbom člana 79. stav 3. Statuta Grada Sarajeva pokrene postupak za zaštitu lokalne samouprave, odnosno ocjenu ustavnosti novog Zakona o prostornom uređenju Kantona Sarajevo i zahtjev obrazloži u svemu kako je to navedeno u Informaciji Gradonačelnika - Inicijativi Gradskog vijeća Grada Sarajeva za podnošenje zahtjeva za zaštitu prava na lokalnu samoupravu, smatrajući da su prava na lokalnu samoupravu Grada Sarajeva povrijeđena novim Zakonom o prostornom uređenju.

3. **Gradski vijećnik Samir Fazlić** je uputio **vijećničko pitanje** u izlaganju sljedećeg sadržaja.

Potrebno je da Gradonačelnik za sljedeću sjednicu Gradskog vijeća, dostavi cjelovitu informaciju o toku izrade Regulacionog plana "Kvadrant B - Marijin Dvor".

Savjet Mjesne zajednice "Marijin Dvor – Crni Vrh" je iz Gradske uprave informiran da je planirana javna rasprava o ovom Planu u augustu mjesecu.

Budući da se organizira javna rasprava o regulaciji prostora za tako važan obuhvat, u sezoni godišnjih odmora, zatražena je informacija o procesu planiranja za ovaj obuhvat i od nadležnih službi i organa Općine Centar Sarajevo, te se očekuje, po ovom vijećničkom pitanju i cjelovita informacija Gradonačelnika.

4. **Gradska vijećnica Barbara Peleš Stroil** je najavila **inicijativu** u pisanoj formi, a vezanu za uređenje korita rijeke Miljacke ispod mosta na Malti u Općini Novo Sarajevo.

O podnesenoj inicijativi je diskutirao **Gradonačelnik Abdulah Skaka**.

5. **Gradski vijećnik Vibor Handžić** je uputio **inicijativu** u izlaganju sljedećeg sadržaja.

Potrebno je da Grad Sarajevo obnovi biste zaslužnih građana kao što su Vojo Dimitrijević, Isak Samokovlija i drugi koji su svojim stvaralaštvom obilježili Sarajevo, a koje su bile postavljene ispred Akademije likovnih umjetnosti, na Trgu oslobođenja "Alija Izetbegović", te u praku ispred Predsjedništva Bosne i Hercegovine.

Uslijedila je kratka rasprava o proceduralnim pitanjima u kojoj su sudjelovali **Predsjedavajući Gradskog vijeća Grada Sarajeva Igor Gavrić, gradski vijećnik Vibor Handžić**.

Zatim se Gradskom vijeću obratio **Gradonačelnik Grada Sarajeva Abdulah Skaka**, a **Predsjedavajući Gradskog vijeća Igor Gavrić** je podsjetio gradske vijećnike da je, uz poziv za sjednicu Gradskog vijeća, gradskim vijećnicima kao informativni materijal, upućena i Molba za preispitivanje Odluke o podizanju Spomenika bosanskim specijalicima, koja je donijeta prošle godine tačno prije godinu dana 27.07.2016, organizacije civilnog društva „Mreža za izgradnju mira“, na što se osvrnuo i **gradski vijećnik Velija Katica** kao predsjedavajući Komisije za spomenike iz ranijeg saziva Gradskog vijeća.

Predsjedavajući Gradskog vijeća Igor Gavrić je najavio održavanje Šeste sjednice Gradskog vijeća Grada Sarajeva za 26.07.2017. godine, sjednice Kolegija Gradskog vijeća u pripremi Šeste sjednice Gradskog vijeća za utorak 04. 07, te sjednice radnih tijela Gradskog vijeća u sedmici koja započinje 10. 07.2017. godine.

Zatim je zaključio rad Pete sjednice Gradskog vijeća.

Sjednica Gradskog vijeća Grada Sarajeva završena je u 14 sati i 15 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.

*SEKRETAR GRADSKOG VIJEĆA
Safet Krajišnik,s.r.*

*PREDSJEDAVAJUĆI GRADSKOG VIJEĆA
Dr. Igor Gavrić,s.r.*